



ڈاکٹر بی۔ آر۔ امبیڈکر

ڈاکٹر بی۔ آر۔ امبیڈکر کو پوروناں بھیم راؤ رام جی امبیڈکر تھو۔ ان کو جنم ۱۴ اپریل ۱۸۹۱ء ناں مدھیہ پردیش کا قصہ ماؤماں ہوو تھو۔ اُن کا باپ کوناں رام جی مالو جی سکپال تے والدہ کوناں بھیمائی تھو۔ اُن کا والد فوج ماں ملازم تھاتے دلت طبقہ ناں تعلق رکھیں تھو۔

بھیم راؤ امبیڈکر کی شروع کی تعلیم جماعت کا کمرہ کے باہر ہوئی کیوں جے اُس ویلے دلت طبقہ کا بچاں نا اُچی ذات کا بچاں سنگ پڑھن کی اجازت نہیں تھی۔ بی۔ اے۔ کو امتحان ایلفن سٹون کالج تیں پاس کیو۔ امریکہ کولمبیا یونیورسٹی تیں ایم۔ اے۔ تے پی۔ ایچ۔ ڈی کی ڈگری حاصل کیں تے قانون کی تعلیم تے سند برطانیہ تیں حاصل کی۔

ڈاکٹر امبیڈ کرناں ”بابا صاحب“ امبیڈ کرکناں نال بھی جانو جائے۔ اُنھاں نے ساری عمر دلت تے مظلوم طبقات ناسماج کا دو جا طبقات کے برابر لیان تے اُن کی تعلیم واسطے کوشش کیں۔ اُنھاں نے اپنی زندگی کو متوحصو ذات پات کے خلاف لڑائی تے مظلوماں کی بھلائی کا کماں ماں بتیاو۔

ڈاکٹر امبیڈ کرنے آزاد ہندوستان کا آئین بنان ماں اہم کردار ادا کیو۔ ویہ آئین کمیٹی کا چیرمین کی حیثیت کا طور ور آئین بنان آلا شخص منیا گیا ویہ آزاد ہندوستان کا پہلا وزیر قانون رہیا ہیں۔

۶ دسمبر ۱۹۵۶ء نا ۶۵ براں کی عمر ماں ڈاکٹر امبیڈ کر دہلی ماں فوت ہو گیا۔ اُن کو جنم دھیڑو (تاریخ پیدائش) ۱۴ اپریل نا امبیڈ کر جنتی کا طور پر ملک بھر ماں منایو جائے۔

بہمی صدی کا منیا پڑ منیا مفکر، سماج سدھارک، اُستاد، قانون دان، مصنف، ماہر اقتصادیات تے ماہر سیاسیات کا طور پر ڈاکٹر امبیڈ کرناں ہمیشہ یاد رکھیو جائے گو۔ اُن نا قوم تے ملک کی خدمت واسطے ”بھارت رتن“ کو اعزاز بھی دتو گیو ہے۔ اُنھاں نا آزاد ہندوستان کا قانون کو معمار بھی کہیو جائے۔



1۔ لفظ تے اُن کا مطلب

دلت	:	اک ہندو طبقہ
مظلوم	:	جس نال ظلم وھے
متو	:	زیادہ
نیا پڑنیا	:	ہمیشہ جانیاں جان آلا

2۔ سوالات:

- (۱) بھیم راؤ امبیڈکر کو جنم کت ہوو؟
- (۲) ڈاکٹر امبیڈکر ناں کیوں نال جانو جائے؟
- (۳) دلت طبقاں کالو کاں واسطے ڈاکٹر امبیڈکر نے کے کم کیا؟
- (۴) ہندوستان کا قانون کو معمار کس نا کہیو جائے؟

3۔ ان لفظاں ناں جملاں ماں برتو:

قانون دان، مفکر، بھارت رتن، معمار